

Gobernua bigunegia da mediku objektoreekin

MADRIL

UGT sindikatuak mediku objektoreentzat, soldadutza egin nahi ez dutenentzat bezalako gogortasuna eskatu du. Abortua ez praktikatzeko eskubidea daukate medikuek, baina zentro publikoetakoez ere, eta objetore direla esatea baino ez dute behar. Medikuntza publikoko mediku ia guztiek uko egiten diote abortuak egiteari ihesbide horri esker, baina ez mediku pribatuek. Dohainik izan beharrean negozioa eratu da Espainiako klinika pribatuetan. Askotan, mediku plurienplegatuek egiten dute eragozpena. UGTk salatzen duenez, «zerbitzu militarrean kontzientzia eragozpenaren kontrako neurriak hartu ditu Gpbernuak, baina medikuen kasuan ez du antzerako neurriak aplikatzen».

Ekologistek zigorra eskatu dute piromanoentzat

SEVILLA

Andaluziako elkarte ekologistek suteak pizten dituzten piromanoen kontrako legedi gogorragoa eskatu dute. Ekologisten iritziz, hogeitaz gertatzen diren suteak gertatzen diren 50 milioi pezetako isunak ezarri behar zaizkie sute-eragileei. Andaluzia da aurten suteek gehien kaltetu duten eskualde espainiarra Valenziarekin bat.

Gaur egun, biktima edo zauriturik gabeko sute baten eragilearen zigorra ez da sei urte baino luzeagoa. Hamabi urtekoa da pertsonentzat arriskua izan denean. Gainera, oso zaila izaten da frogatzea piromanoaren errua.

La Riojako Gobernu autonomoaren egoitzaren aurkako bonba Logroñon

Misterio osoa bi kilo amonal zituen pakete baten inguruan

Lau pertsona zauritu zituen La Riojako Gobernu autonomoaren egoitzan, Logroñon, atzo goizean jarritako bonba baten leherketak. Eztanda Gobernu etxearen posta zerbitzuan gertatu zen, eta bi kilo amonalez osaturiko bonba-pakete bat izan zen eragilea. Paketearen jatorria ez da ezagutzen.

DONOSTIA

Polizia espainolak eta Barne Arazoetarako Ministeritzak emandako lehen datuen arabera, goizegi da esateko norik bidali zuen bonba. Pakete batean zegoen bonba, kilo t'erdia edo bi kilo leherkarirekin, amonala hain zuzen.

Baina itxura denez, bonba ez zegoen ondo egin, alde zurretik egin bait zuen eztanda. Paketea zela, eta ez gutuna, baieztatu zuen Poliziak, baina ez zekiten nola heldu zen Gobernu etxe barrura, postaz ala bestela, mezulariren batek edo utzita.

Leherketa gertatu zenean inork ez zeukan paketea esku artean, inork ez bait du eskuetan zauririk izan. Eztanda goizeko 11.15etan Gobernu etxearen posta zerbitzuan gertatu zen eta zauriturik larrienak, posta banatu ohi duen Enrique Villar funtzionarioak (45 urte), bizkarrean eta buru atzekaldean izan zituen zauriak. Antza, nonbait gelditu zegoela egin zuen eztanda paketeak.

La Riojako Gobernu autonomoa PSOEren eskuetan dago, baina oso gutxiatik. Maiatzaren 28ko hauteskunde autonomikoetan 16 diputatu lortu zituen PSOEek Legebiltzarran, 15 PPK eta bi Partido Riojano (PR) alderdi erregionalistak. PRk PSOErekin paktua egin du eta ziurtatu dute sozialistek agintea, aurreko



Logroñoko zaurituetakoa bat, Gobernu etxetik ospitalerantz eramatean. GRACIA legealdian bezala. Logroñoko udala, ostera, Partido Popularraren eskuetan dago.

LEHENDAKARI SOZIALISTAREN ADIERAZPENAK Norentzat zen paketea ere ez dago argi, txikituta bait zegoen. La Rioja Gobernuak

agiri bat kaleratu atzo arratsaldean, ekintza kondenatuz eta La Riojako herritarrei «tolerantzia» eskatuz. Atentatuaren arrazoia ez dago batere argi, orain arte ez bait du inoiz mehatxu edo atentaturik izan La Riojako gobernu autonomoak. Gobernu errioxarreko lehendakariak

✓ Bonba alde zurretik lehertu zen, Poliziaren arabera, eta inork ez zeukan paketea esku artean eztanda egin zuenean.

riak, Jose Ignacio Perez Saenz sozialistak, Gobernu etxean segurtasun neurri handirik ez zegoela onartu zuen. «Uste genuen erakunde hau ez zegoela inoren ikusmiran, baina konturatzen naiz oker geundena. Jende honek ez dio inori barkatzen», esab zuen Perez Saenzek, baina ez zuen aipatu siglarik edo susmorik. «Ekintza terrorista lotsagarri eta basatia izan da, eta berdin dio ze sigla daudden atzean».

La Riojan eta Logroñon ez da inoiz gertatu horrelako atentaturik. «Beti egiten dugu protesta horrelako gertakariak izaten direnean, eta orain, geu izan garenean bonbaren helburua, ez daukat hitzik gertatu dena adierazteko, beti baketan bizi izan den lurraldean bait gaude», esplikatu zuen La Riojako lehendakariak.

Gobernuaren etxea hustu egin zuten agintari eta funtzionario guztiek, Poliziako lehenkari adituek arakatu zezaten ea bonba gehiago ba ote zegoen. Handik metro gutxira, Logroñoko Justizia Jauregia ere hustu zuten eguerdiko 12etan (leherketa izan eta hiru ordu laurdenetara) bonba abisua jaso bait zuen Poliziak. Ez batean eta ez bestean ez zen lehergailu gehiagorik aurkitu. Justizia Jauregian lau ezkontza atzeratu behar izan zituzten bonba abisua zela eta.

Lau zaurituetarik hiru kalean zeuden atzo bertan. Enrique Villar posta banatzailea ere ez dago oso gaizki, azaleko zauriak besterik ez bait ditu.

Autonomien zorpetze publikoa gero eta kezkarriagoa da

MADRIL

Estatu espainoleko hamazazpi autonomi elkarteak zorretan daude. Zorpetzea gero eta handiagoa da eta, ekonomilarien iritziz, etorkizun hurbilean arazo larria bihurtu daiteke hau autonomientzat. Dagoeneko, Murcia, Cantabria eta La Riojako administrazio autonomoek daukaten dirusarreraren erdia zorren interesak ordaintzeko erabili behar dute.

Gobernu zentralak abisu eman die autonomi elkartei, ez dezatela zorra gehiago handitu, Estatuak ez duela interesak kitatzearen ardura hartuko aurrerantzean. Baina oraingoz ez dirudi jaramon handirik egiten dietenik administrazio autonomoek eta gastuak neurritz kanpo handitzen dituzte urtetik urtera. Iaz, % 15eko


neurrian handitu ziren autonomien gastuak, bizimailaren edo estatu zentralaren aurrekontuen hazkundera baino tasa askoz ere handiagoa.

1,1 bilioi pezetako zorra dute dagoeneko autonomiek (58 miliar liberra). Hego Euskal Herriko zorrak ez dira oso handiak, konparetzekotan, Nafarroan 5.800 milioikoa da eta EAEn 68.000 milioikoa. Andaluciak du zorrik handiena (262.000 milioi), baina kasu larriagoak dira elkarte txikiagoetakoak, Cantabria edo La Riojakoak esaterako. Gainera, zorra kasu askotan epe laburreko prestamoekin egiten dute elkarte hauek (ez Euskal Herrikoek) eta horrek interesak lehenago kitatzera behartzen ditu. Zorra sortzen duten prestamoak banketxe pribatuek ematen dituzte batez ere.

Helikoptero istripua misil jaurtiketa ariketa batean

DRAGUIGNAN

Istripu bat gertatu zen atzo Cote d'Azur-eko herrirka batean, Draguignan-en, Frantzia hegoaldean, ariketa militar batzuetan parte hartzen ari zen helikoptero britainiar bat behera etorri zenean. Helikoptero barruko militarretako bat hil egin zen eta beste bi zauritu, hirurak britainiarrak. Puma helikopteroa Canjuers-eko baseko misil jaurtiketa ariketa batean ari zen parte hartzen eta erori zen eskualde menditsu batean, ezagutzen ez diren arrazoiengatik.



CLARO erosi nahi du Ruiz Mateosek, eskandaluzko egunkaria itxi egin denean. Rumasa kasuko enpresari polemikoak aste honetan kaleratzeari utzi dion Claro egunkaria erosi nahi du atzo adierazi zuenez. Claroko 400 langileak kalean geratu dira, egunkariaren jabeek, Madrileko Abc eta Alemaniako Bild egunkariaren argitaratzaileek, galera gehiago ez dutela izan nahi erabaki ondoren. Langileak entzerratuta daude egunkariaren erredakzioan protesta gisa eta argibide eske.